

ZAPISNIK SA V SJEDNICE UPRAVNOG ODBORA

UDRUŽENJA POSLODAVACA U FBIH

**održane dana 02.02.2026.godine (ponedjeljak), sa početkom u 11:00 časova
ON LINE PUTEM ZOOM-a**

Na sjednici su prisustvovali: Nihad Imširović, Bariša Šušnjar, Adem Hanić, Ladislav Bevanda, Damir Vidačak, Džemal Hasković, Berina Bajrović, Edin Emšo, Mahmut Galijašević i Mujo Hasić.

Sjednici su po ovlaštenju prisustvovali: Ramiz Mušić (po ovlaštenju Senada Džambića).

Na sjednici nisu prisustvovali: Igor Marković, Zijo Tanjo, Nagib Mujkić, Katarina Kafadar, Bahrija Huseinbegović, Samir Mustafić, Tomislav Vrdoljak, Mehta Nikil Himatla i Salih Lemeš, koji su opravdali svoj izostanak.

Na sjednici su pored članova UO prisustvovali i članovi ESV-a za teritoriju FBiH kao i predsjednik UO KS Suhad Ećo.

Ispred UP FBiH sastanku su prisustvovali: Mario Nenadić, direktor, Mersiha Jusić, sekretar, Amra Duvnjak Halilović, referent za projekte i Vedrana Živković, PR.

Sjednicu je otvorio Nihad Imširović, predsjednik Upravnog odbora Udruženja poslodavaca i predložio sljedeći:

DNEVNI RED

- 1) Usvajanje zapisnika sa IV sjednice UO;
- 2) Razmatranje materijala i zauzimanje stavova delegacije za XII redovnu sjednicu ESV-a:
 - a) Razmatranje prijedloga Uredbe o isplati pomoći radnicima od strane poslodavca
 - b) Izvještaj o radu ESV-a za period decembar 2024 decembar 2025
 - c) Program rada ESV-a za period 01.01. -31.12.2026.godine
 - d) Informacije o realizaciji zaključaka sa prethodne sjednice ESV-a FBiH
- 3) Tekuća pitanja;

Dnevni red je u potpunosti usvojen.

RASPRAVA PO TAČKAMA DNEVNOG REDA

Tačka 1. Usvajanje Zapisnika sa IV sjednice UO UPFBiH;

Obzirom da nije bilo primjedbi na zapisnik Predsjednik UO je dao Zapisnik na glasanje.

A.D. 1.1. Zapisnik sa IV sjednice Upravnog odbora je jednoglasno usvojen.

Tačka 2. Razmatranje materijala i zauzimanje stavova delegacije za XII redovnu sjednicu ESV-a:

- a) Razmatranje prijedloga Uredbe o isplati pomoći radnicima od strane poslodavca
- b) Izvještaj o radu ESV-a za period decembar 2024 decembar 2025
- c) Program rada ESV-a za period 01.01. -31.12.2026.godine
- d) Informacije o realizaciji zaključaka sa prethodne sjednice ESV-a FBIH

Predsjednik Upravnog odbora, Nihad Imširović, izvijestio je prisutne o ovoj tački dnevnog reda, te otvorio raspravu, a u cilju zauzimanja stavova UO za delegaciju UPFBiH u ESV-u.

Kroz diskusiju u kojoj su učestvovali svi prisutni istaknuto je da Udruženje poslodavaca u FBiH smatra da je i dalje Uredba o isplati neoporezive pomoći radnicima od strane poslodavca od izuzetne važnosti za osiguranje boljeg standarda radnika i povećanje njihovih primanja kroz isplatu neoporezivih primanja.

Udruženje je stava kao i ranije da bi bilo dobro zadržati postojeći model i visinu isplata ali u slučaju da Vlada FBiH opravdano pojasni razloge eventualnog suprotstavljanja ovom prijedlogu Udruženje smatra da bi taj iznos trebao da iznosi makar do 300,00 KM, jer UPFBiH smatra da je iznos od 250,00 KM nedovoljan i da ne daje stvarni efekat rasterećenja privrede u uslovima povećanih troškova poslovanja.

Očekuje se da delegacija Vlade FBiH u ESV-u da jasno obrazložene kriterije i razloge za utvrđivanje iznosa od 250,00 KM, posebno imajući u vidu da poslodavci ranije nije imali obavezu isplate neoporezive pomoći, te da je to do iznosa 400,00 KM. Dakle, oni koji nisu isplaćivali 400,00 neće isplaćivati ni 250,00 KM .

Vezano za napomene iz prethodne alineje delegacijaj će dati kratak pregled efekata smanjenja neoporezivog iznosa:

- o Ukoliko se maksimalni neoporezivi iznos smanji sa **400,00 KM na 250,00 KM**, poslodavci koji su isplaćivali 400 KM bi, ukoliko ne žele isplatu smanjenje plate svojim radnicima, **razliku od 150,00 KM uključivali zaposlenicima u platu i na to plaćali poreze i doprinose**. Prema izračunu:
- o bruto trošak poslodavca na iznos od **150,00 KM** iznosi **254,25 KM**, što znači da se dodatni fiskalni teret direktno prebacuje na poslodavce, bez ikakvog rasterećenja. Ovakvo rješenje **ponovno povećava ukupni trošak rada**, što je suprotno cilju ove mjere.

Istaknuto je da je **smanjenje doprinosa ključna i sistemska mjera**, za razliku od parcijalnih i privremenih rješenja. Naglašeno je da bez stvarnog smanjenja doprinosa **nema održivog rasterećenja privrede**, bez obzira na iznos neoporezive pomoći. Potrebno je **insistirati na smanjenju budžetskog rasterećenja privrede**, a ne na dodatnim fiskalnim zahvatima koji povećavaju troškove rada i ponovno idu na teret poslodavca.

Vezano za Izvještaj o radu Ekonomsko socijalnog vijeća UO je istakao da nakon usvajanja ovaj document će postati javni dokument i u tom smislu smatramo da je neophodno metodološki doraditi isti. UO smatra da bi trebalo uvodno dati generalnu ocjenu rada i rezultata rada ESV-a a to nije vidljivo prenošenjem samo dnevnog reda i šturih zaključaka sa sjednica. Smatramo dalje da bi bilo neophodno da je ovaj izvještaj obuhvatio i ključne ciljeve i izazove u radu u protekloj godini i da je takve ciljeve trebalo usporediti sa ostvarenim rezultatima a rezultate takve usporedbe staviti u funkciju unaprijeđenja rada ovog važnog konsultativnog tijela za naredni period.

UO je ocjenio da je Stručna služba ESV-a je u prijedlog Programa rada ESV-a uvrstila sve inicijative koje je Udruženje delegiralo. Nažalost nismo zaprimili pismene prijedloge drugih socijalnih partnera što nije dobro! MI smo dostavljeni Nacrt programa rada predstavili na jučer održanoj sjednici Upravnog odbora i zaključak je da podržimo ovakav predložen Program rada.

Dodatno je na Upravnom odboru zaključeno da će Ekonomsko socijalno vijeće u Program rada uvrstiti i razmatranje pitanja parafiskalnih opterećenja privrede u FBiH, jer informacije sa terena govore da se na različitim nivoima ponovno iniciraju i uvode nova parafiskalna opterećenja umjesto smanjenja i ukidanja postojećih.

Nakon veoma otvorene diskusije UO je donio sljedeće zaključke:

A.D. 2a) Delegacija UPFBiH u ESV-u će i insistirati i podržati produženje ove mjere uz napomenu da je ona ad hoc rješenje a da se trajno sistemsko rješenje traži isključivo kroz izmjenu Zakona o doprinosima te će u okviru Programa rada ESV-a i dalje intencija biti od strane Udruženja da se ovaj Zakon priprema i da se donose u skladu sa ranijim zaključcima Ekonomsko-socijalnog vijeća FBiH. Potrebno je definisati jasan akcioni plan da se do 30.06. usvoji Zakon o izmjenama i dopunama Zakona o doprinosima- druga faza, kojim bi se stopa doprinosa definisala na oko 28,50%. Očekuje se da Vlada ponudi konkretne rokove, faze i fiskalne projekcije.

A.D 2.b) UO je predložio da delegacija UPFBiH u ESV-u insistira da se predmetni materijal ne usvaja danas nego da se doradi na način kako usaglasimo na ovoj sjednici i da se pripremi za usvajanje na narednoj sjednici.

A.D 2c) Upravni odbor je zaključio da delegacija ESV-a treba da podrži ovakav predložen Program rada, obzirom da je Stručna služba ESV-a u prijedlog Programa rada ESV-a uvrstila sve inicijative koje je Udruženje delegiralo.

Dodatno je na Upravnom odboru zaključeno da delegacija UP FBiH u ESV-u predloži da se Program rada uvrsti nova tačka „Informacija i prijedlog mjera za smanjenje parafiskalnih opterećenja“ i to za prvi kvartal poslovne godine. Također, u programu rada ESV-a neophodno je naglasiti važnost donošenja Zakona o minimalnoj plaći, koji je jedino sistemsko rješenje na osnovu kojeg i poslodavci i radnici mogu praviti odgovarajuća planiranja i sa sigurnošću znati šta ih čeka na početku poslovne godine, kako se ne bi desio scenarij kao prethodnih godina.

A.D. 2 d Vezano za informacije o realizaciji zaključaka sa prethodne sjednice ESV-a FBiH, obzirom da nije bilo materijala UO je ovlastio delegaciju da reaguje nakon uvodničara.

Tačka 3. Tekuća pitanja

Pod tekućim pitanjima, članovi su razmatrali

- Odluku o imenovanju/reimenovanju člana UO FIPA-e

Direktor Mario nenadić je istakao da je Udruženju poslodavaca u FBiH obratila se Agencija za promociju stranih investicija FIPA dopis broj: 03-50-1-2/26 od 08.01.2026. godine sa zahtjevom za imenovanje/reimenovanje predstavnika UP FBiH za člana UO FIPA-e. Obzirom da sadašnjem članu UO FIPA-e Mersihi Jusić, koji je imenovana ispred UPFBiH, mandat ističe 01.03.2026. godine, bilo je potrebno imenovati/reimenovati predstavnika Udruženja poslodavaca u FBiH u UO FIPA-e. Imajući u vidu da je sadašnji član UO Mersiha Jusić, učestvovala odgovorno i profesionalno u dosadašnjem radu UO FIPA-e direktor je predložio da se Mersiha Jusić reimenuje ukoliko nema drugih prijedloga.

Obzirom da nije bilo novih prijedloga UO je donio sljedeći zaključak:

A.d. 3.1. UO je donio Odluku o imenovanju/reimenovanju Mersihe Jusić za člana UO na period od četiri godine počev od 01.03.2026.godine jer smatramo da je sasvim opravdano da se ponovno imenuje za člana UO FIPA-e. Imajući u vidu da Mersiha Jusić, sekretar UPFBiH ima preko 20 godina radnog iskustva u radu Udruženja poslodavaca FBiH, smatramo da će Mersiha Jusić, profesionalno i odgovorno obavljati funkciju UO FIPA-e, te dati doprinos u radu UO.

Sjednica završena u 13:00 sati

Zapisnik vodila: Mersiha Jusić

Predsjednik Upravnog odbora

Nihad Imširović